



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

*Komunikadu Imprensa*  
*Tribunál Distritál Dili*  
**20 Outobru 2014**

**Tribunál Distritál Dili hala’o julgamentu movel iha Distritu Liquisa no Ermera**

Iha 8 no 10 Outobru 2014, Tribunál Distritál Dili hala’o julgamentu movel iha Distritu Liquisa ho Distritu Ermera, no julga kazu diferente 5.

Kazu 5 ne’e kompostu husi krime ofensa ba integridade fízika simples. Kazu 3 ho natureza violénsia doméstika, kazu 1 involve aman hasoru nia oan fetu no kazu 2 seluk involve laen hasoru feen.

Kazu 2 seluk kona-ba ofensa ba integridade fízika simples ho natureza krime semi públiku involve viziñu ho viziñu.

Hosi kazu 5 ne’e tribunál konklui kazu 2 kondena ho pena prizaun maibé suspende, kazu 1 kondena ho pena multa, kazu 1 tribunál omologa no kazu 1 seluk sei iha faze prosesu.

“JSMP apresia esforsu tribunál kontinua organiza julgamentu movel iha distritu sira, atu kontinua hakbesik justisa ba comunidade sira iha área rural no hein katak mekanismu ne’e bele fasilita comunidade sira asesu ba justisa fasil liu,” dehan Diretór Ezekutivu JSMP, Luis de Oliveira Sampaio.

JSMP observa katak comunidade sira sente kontente (liu-liu vítima sira) tanba la lakon tempu ho osan atu hetan justisa. Tribunál movel fornese mekanismu ida atu hatan ba dezafiu estruktural no limitasan finansieru ne’ebé comunidade infrenta, no JSMP hein programa ne’e sei kontinua.

Julgamentu movel iha Distritu Liquica prejide husi juis singular Dra. Zulmira da Silva, Ministériu Públiku representa husi Dr. Felismino G. Cardoso no arguidu sira hetan defeza husi Dra Laura Valenti Lay husi Defensór Públiku.

Julgamentu movel iha Distritu Ermera prejide husi juis singular Dra. Zumiati Freitas, Ministériu Públiku representa husi Dr. Matias Soares no arguidu sira hetan defeza husi Dr. Sebastião Amado husi Defensória Públiku.

Atu hetan informasaun kle’an favor kontaktu direktamente:

Luis de Oliveira Sampaio  
Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)  
[info@jsmp.minihub.org](mailto:info@jsmp.minihub.org)  
telephone: 3323883/77295795  
webiste: [www.jsmp.tl](http://www.jsmp.tl)  
facebook [www.facebook.com/timorleste.jsmp](http://www.facebook.com/timorleste.jsmp)  
twitter: @JSMPtl